

## اتوار 27 نومبر، 2025

### مضمون۔ شکر گزاری

سنہری متن: زبور 118 باب 24، 29 آیتاں

”ایہہ اوہ ای دن اے جنہوں خداوند نے مقرر کیتا اسی ایسے وچ شادمان ہونواں گے تے خوشی منانواں گے۔ خداوند ادا شکر کرو؛ کیوں جے اوہ بھلا اے: تے اوہی شفقت ہمیشہ دی اے۔“

جوابی پڑھائی: یعقوب 1 باب 2 توں 4، 12، 16، 17، 25، 27 آیتاں

- 2۔ اے میرے بھراؤ! جدوں تسی وکھریاں وکھریاں آزمائشاں وچ پوو۔
- 3۔ تے ایہنوں ایہہ جان کے کمال خوشی سمجھیو پئی تہاڈے ایمان دی آزمائش صبر پیدا کر دی اے۔
- 4۔ تے صبر نوں اپنا پورا کم کرن دیوتا جوں تسی پورے کامل ہو جاؤ تے تہاڈے وچ کسے گل دا گھاٹانہ رہوے۔
- 12۔ دھن اے اوہ بندہ جیہڑا آزمائش دی برداشت کر دالے کیوں جے جدوں مقبول ٹھہریا تے حیاتی دا اوہ حاصل کرے گا جیدا خداوند نے اپنے پیار کرن والیاں نال وعدہ کیتا اے۔
- 16۔ اے میرے پیارے بھراؤ! فریب نہ کھاؤ۔

17- ہر چنگی بخشش تے ہر کامل انعام اُتوں اے تے نوراں دے پیوولوں ملدا اے جیدے وچ نہ کجھ بدل سکدا اے تے نہ گردش دے پاروں اوہدے اُتے پرچھاناواں پیندا اے۔

25- پر جیہڑا بندہ آزادی دی شریعت اُتے دھیان نال نظر کردار ہندا اے اوہ اپنے کم وچ ایس لئی برکت پاوے گا پئی سُن کے بھلدا نسین بلکہ عمل کردا اے۔

27- ساڈے رب تے باپ دے نیسڑے خالص تے بے عیب دینداری ایہہ اے پئی یتیمیاں تے بیواں دی مصیبت دے ویلے اوہناں دی خبر گیری کریئے تے اپنے آپ نوں جگ توں بے خبر رکھیئے۔

درسی وعظ

بائبل وچوں

1- یسعیاہ 43 باب 1 (ہن) آیت

1۔۔۔ ہن اے یعقوب! خداوند جنسے تینوں پیدا کیتا تے جنسے اے اسرائیل تینوں بنایا ایچ آکھدا اے پئی خوف نہ کر کیوں جے میں تیرا فدیہ دتا اے۔ میں تیرا نال لے کے تینوں بلایا اے توں میرا ایں۔

2- زبور 34 باب 19 آیت

19۔ صادق دیاں مصیبتاں بوہت نیں پر خداوند اوہناں توں رہائی بخشد اے۔

### 3۔ کلسیوں 1 باب 10 (چال چلن)، 11 آیتاں

10۔۔۔۔۔ چال چلن خداوند دے لائق ہووے تے اوہنوں ہر طراں پسند آوے تے تہاڈے وچ ہر طراں دے نیک کم دا پھل لگے تے رب دی پچھان وچ ودھ دے جاو۔

11۔ تے اوہدے جلال دی قدرت دے مطابق ہر طراں دی قدرت توں طاقت والے ہندے جاو تاں جو خوشی نال ہر صورت وچ صبر تے تحمل کر سکو۔

### 4۔ نحمیاہ 1 باب 1 (نحمیاہ)، 1 (جیویں پی میں)، 2 (حننیاہ) (توں:)، 3 آیتاں

1۔ نحمیاہ دا کلام۔۔۔ جیویں پی میں سوسن محل وچ سی،

2۔ حننیاہ، جیہڑا میرے بھرانواں وچوں اک اے، آیا، تے کجھ بندے یہوداہ توں آئے؛

3۔ اوہناں نے مینوں آکھیا پئی اوہ باقی لوک جیہڑے اسیری توں چھٹ کے اوس صوبے وچ وس دے نیں بوہت تنگی تے ذلت وچ پئے نیں تے یروشلم دی کندھ ٹٹی ہوئی تے اوہدے پھاٹک اک نال سڑے ہوئے نیں۔

### 5۔ نحمیاہ 2 باب 5، 6 (توں پہلی)، 6 (لئی)، 11 (توں)، 17 (توں پہلی)، 17 (آؤ) آیتاں

5- فیر میں بادشاہ نوں آکھیا پئی جے بادشاہ دی مرضی ہووے تے جے تیرے خادم اُتے تیرے کرم دی نظر اے تے توں مینوں یہوداہ وچ میرے پیو دادے دیاں قبریں دے شہر نوں گھل دے تاں جو میں اوہنوں فیر بناناں۔

6- تد بادشاہ نے مینوں آکھیا،۔۔۔ تیرا سفر کنسے چر داہو وے گا؟ تے توں کدوں واپس آنویں گا؟ بادشاہ دی مرضی ہوئی پئی مینوں گھلے تے میں ویلہ طے کر کے اوہنوں دسیا۔

11- تے میں یروشلیم اپڑیا۔

17- تد میں اوہناں نوں آکھیا،۔۔۔ آؤ، تے اسی یروشلیم دی کندھ بنائیے، تاں جو اگے توں اسی ذلت دا نشان نہ رہے۔

## 6- نحمیاہ 4 باب 6 (توں پہلی؛)، 7 (توں ستویں؛)، 7 (اوہ)، 8، 9، 15 آیتاں

6- مطلب اسی کندھ بناؤندے رہے تے پوری کندھ ادھ اُچھائی تیکر جوڑی گئی کیوں جے لوک دل لاکے کم کر دے سی۔

7- پر جد سنبلط تے طوبیاہ تے عرباں تے عمونیاں تے اشدودیاں نے سنیا پئی یروشلیم دی کندھ مرمت ہندی جاندی اے تے دراڑاں بند ہوون لگیاں نیں تے اوہ سڑ گئے۔

8- تے ساریاں نے مل کے بندش بنھی پئی آکے یروشلیم نال لڑن تے اوہ تھے پریشانی پیدا کر دین۔

9- پر اسی اپنے رب توں دعا کیتی پئی اوہناں دے پاروں دن رات اوہناں دے مقابلے وچ پہرا بٹھاوے۔

15- تے جدوں ساڈے ویریاں نے سنیا پئی ایہہ گل ساہنوں پتا چل گئی تے رب نے اوہناں دا منصوبہ ظاہر کر دتا تے اسی سارے دے سارے شہر نوں اپنے اپنے کم تے پرتے۔

## 7- نحمیاہ 7 باب 1 آیت

1۔ جدوں شہر پناہ بن گئی، تے میں پھاٹک لائے تے دربان تے گان والے تے لاوی مقرر ہو گئے۔

8۔ نحمیاہ 8 باب 1 (سار) (توں اکٹھا)، 1 (تے اوہ) (توں پہلی)، 8 (توں پہلی)، 9 (آکھیا)، 10 آیتاں

1۔۔۔۔۔ تے سارے لوکی اک ہو کے کٹھے ہوئے۔۔۔۔۔ تے اوہناں نے عزرافقیہ نوں آکھیا پئی موسیٰ دی شریعت دی کتاب لیاوے۔

8۔ تے اوہناں نے اوس کتاب یعنی رب دی شریعت وچوں صاف آواز نال پڑھیا۔

9۔ تے نحمیاہ نے،۔۔۔۔۔ سارے لوکاں نوں آکھیا پئی اج دادن خداوند تہاڈے رب لئی پاک اے؛ نہ ڈکھی ہو و نہ رو کیوں جے سارے لوکی شریعت دی گلاں سن کے رون لگ گئے سی۔

10۔ فیر اوہنے اوہناں نوں آکھیا پئی ہن جاؤ تے جو کجھ موٹا اے کھاؤ تے جو کجھ مٹھا اے پیو تے جنہاں لئی کجھ تیار نہیں ہو نیا اوہناں دے کول وی گھلو کیوں جے اج دادن ساڈے خداوند لئی پاک اے تے تسی اُداس نہ ہو و کیوں جے خداوند دی شادمانی تہاڈی پناہ گاہ اے۔

9۔ 2 کرنتھیوں 4 باب 17، 18 آیتاں

17۔ ایس لئی پئی ساڈی دم بھر لئی تھوڑی جیہی مصیبت ساڈے لئی بوہت بھارتے ابدی جلال پیدا کر دی جاندی اے۔

18۔ جیس حال وچ اسی پئی ویکھیاں ہو نیاں شیواں اُتے نہیں بلکہ نا ویکھیاں شیواں اُتے نظر کر دے آں ایس لئی پئی ویکھیاں ہو نیاں شیواں کجھ دِناں دیاں نیں پر نا ویکھیاں شیواں ابدی نیں۔

## 10- 1 پطرس 2 باب 25 آیت

25- کیوں جے پہلاں تسی بھیڈاں وانگر بھٹکدے پھر دے سی پر ہن اپنیاں روحاں دے گلہ بان تے نگہبان دے کول فیر آگئے او۔

## سائنس تے صحت

## 1- 3:25-26 (توں دو جا)

شکر گزاری شکر یہ ادا کرن دے لفظی اظہار دی نسبت بوہتی اہمیت دی حامل اے۔ لفظاں دی بجائے عمل بوہتی شکر گزاری نوں ظاہر کردا اے۔

## 2- 4:3-5

صبر، حلیمی، پیار تے نیک کماں وچ ظاہر ہوون والے فضل وچ ترقی کرن دی پُرجوش تاہنگ لئی ساہنوں دعا کرن دی لوڑ اے۔

## 3- 27-2:3

جے اسی حیاتی، حق تے محبت لئی ناشکر گزار آں تے فیروی ساریاں نعمتاں لئی رب داشکر ادا کردے آں تے اسی منافق تے اوس شدید ملامت نوں اپنے اُتے لینے آں جیہڑی مالک ریاکاراں لئی بیان کردا اے۔ اجیہی صورت وچ، صرف اک دعای قابل قبول اے پئی اپنے جلاں اُتے انگلی رکھ کے ساڈیاں نعمتاں نوں یاد کیتا جاوے۔ جدوں دل الہی سچیاں تے محبت توں کوسوں دور ہووے تے اسی ویران حیاتیاں دی ناشکری نوں لکونئیں سکدے۔

## 4- 30-26:322

مادے دی فرضی حیاتی اُتے عقیدے دے تیز ترین تجربے، ایہدے علاوہ ساڈیاں مایوسیاں تے نہ مکن والیاں پریشانیاں ساہنوں الہی محبت دیاں بانہواں وچ تھکے ہوئے بالاں وانگر اڑاندے نیں۔ فیروسی الہی سائنس وچ حیاتی نوں سکھنا شروع کردے آں۔

## 5- 9-6:323

محبت دی صحت دین والی ملامت دے راہیں راستبازی، امن تے پاکیزگی ول ساڈے ودھن وچ مدد کیتی جاندی اے، جیہڑے سائنس دے امتیازی نشان نیں۔

## 6- 26-22:4

اسی الٰہی فطرت دے اظہار دے راہیں مسیحیت دی سائنس تیکر اپڑ دے آں۔ پرائس بھیسٹری جگ وچ نیکی ”دی بدنامی“ ہووے گی تے صبر تجربہ لیاوے گا۔

## 7- 13:324 (رہو)۔18

چالاک، سادہ تے چست رہو۔ جیہڑی راہ ایس فہم ول لے جاندی اے پئی کلا رب ای حیاتی اے اوہ راہ سدھی تے سوڑی اے۔ ایہہ بدن دے نال اک لڑائی اے، جیدے وچ پاپ، بیماری تے موت اُتے ساہنوں فتح پاؤنی چاہیدی اے بھانویں ایہتھے یا ایسدے توں بعد، یقینا ایس توں پہلاں پئی اسی روح دے مقصد، یارب وچ حیاتی حاصل کرن تیکر اپڑ سکے۔

## 8- 22-11:22

”اپنی مکتی لئی کوشش کرو“، ایہہ حیاتی تے پیار دی مانگ اے، کیوں جے ایہتھے تیکر پہنچن لئی رب تہاڈے نال کم کردا اے۔ ”تسی قائم رہو وجودوں تیکر میں نہ آنواں!“ اپنے اجردی اڈیک کرو، تے ”نیک کم کرن وچ ہمت نہ ہارو۔“ جے تہاڈیاں کوششاں خوف تے ہر اس وچ گھریاں نیں، تے تہانوں ایس ویلے کوئی اجر نیں مل رہیا، پرت کے غلطی ول نہ جاؤ، تے نہ ای ایس دوڑ وچ سست ہو جاؤ۔

جدوں جنگ دادھو واں چھٹ جاند اے، تسی اوس چنگیائی نوں جان جاؤ گے جیہڑی تسی کیتی اے، تے تہاڈے حق دے مطابق تہانوں ملے گا۔ رب ساہنوں آزمائش وچوں کڈھن لئی جلد باز نیں اے، کیوں جے پیار دا مطلب اے پئی تہانوں آزمایا تے پاک کیتا جاوے گا۔



## 9- 30-25:574

پیارے پڑھن والیو! ایہدے اُتے غور کرو کیوں جے ایہہ تہاڈیاں اکھیاں توں پردہ ہٹا دیوے گا، تے تسی اک نرم پراں والی چڑی نوں اپنے اُتے اتر دیاں ویکھو گے۔ بلکہ اوہ ای صورت حال جنہوں تہاڈی دُکھ سہن والی حس غضبناک تے تکلیف دین والی سمجھدی اے، محبت اوہنوں کسے فرشتے دے راہیں تہاڈے لئی لا تعلق بناسکدی اے۔

## 10- 28-6:323

کر سچن سائنس دے اثر ایہنے ویکھے نہیں جاندے جنسے محسوس کیتے جاندے نیں۔ ایہہ سچیائی دی ”دبی ہوئی ہوئی آواز“ اے جیہڑی اپنے آپ نال گل کردی اے۔ یا تے اسی ایس آواز توں دور نس رہے آں یا اسی ایہہ سن رہے آں تے اُچے ہو رہے آں۔ اک نکلے بال وانگر بمن دی تاہنگ تے نویں سوچ لئی پرانی نوں چھڈنا ایس دانش نوں پیدا کردا اے جیہڑی نویں نظریے نوں قبول کرن والی ہووے۔ غلط نشانیاں نوں چھڈن دی خوشی تے اوہناں نوں غائب ہندیاں ویکھن دی خوشی، ایہہ صلاح ساری ہم آہنگی نوں تیزی نال پورا کرن وچ مدد دیندی اے۔ سمجھ تے اپنے آپ دی پاکیزگی ترقی دا ثبوت اے۔ ”دھن نیں اوہ جیہڑے پاکدل نیں؛ کیوں جے اوہ رب نوں ویکھن گے۔“

## 11- 30-23:265

کیہڑا اے جنسے انسانی سکون دے نقصان نوں محسوس کیتا تے روحانی خوشی لئی واوا خواہشاں حاصل نہیں کیتیاں؟ آسمانی چنگیائی دے بعد سکون حاصل ہوندا اے ایتھوں تیکر پئی ایس توں پہلاں پئی اسی اوہ دریافت کردے جیہڑا سیان تے

محبت دے نال تعلق رکھدا اے۔ زمینی آساں تے خوشیاں دا نقصان بوہت دلاں دی چڑھن والی راہ روشن کر دی اے۔ فہم دیاں تکلیفاں ساہنوں دسدیاں نیں پئی ادراک دیاں خوشیاں فانی نیں تے اوہ خوشی روحانی اے۔

12- 31-2:304

ایس لئی انسان دی خوشی بدنی فہم دے مکن وچ نیں۔

13- 31-2:365

دکھ سہن والے غریب دل نوں مناسب غذا ایت دی لوڑ ہندی اے، جیویں پئی سکون، مصیبت وچ صبر تے پیارے پیو دی شفقت، ہمدردی دا انمول فہم۔

14- 24-18:454

پیار راہ نوں متاثر کردا، روشن کردا، چن دا تے راہنمائی کردا اے۔ درست مقصد خیالاں نوں شہ دیندے، تے کلام تے اعمال نوں طاقت تے آزادی دیندے نیں۔ پیار سچائی دی الطار اُتے وڈھا نگہبان اے۔ فانی سیان دے پانیاں اُتے ٹرن تے کامل نظریہ بناؤن لئی صبر دے نال الہی پیار دی اڈیک کریئے۔ صبر نوں ”اپنا پورا کم کرنا چاہیدا اے۔“

15- 15-9:304

ایہہ کر سچن سائنس دا عقیدہ اے: پئی الہی پیار اپنے اظہار یا موضوع توں عاری نہیں ہو سکدا، پئی خوشی دکھ وچ بدل  
نہیں سکدی کیوں جے دکھ خوشی دمالک نہیں اے؛ پئی چنگیائی بریائی نوں کدی پیدا نہیں کر سکدی؛ پئی مادا کدی سیان  
نوں پیدا نہیں کر سکدا نہ ای حیاتی کدی موت دا نتیجہ ہو سکدی اے۔ سچا انسان، رب یعنی اپنے سچے اصولاں دے  
پاروں، پاپ توں پاک تے ابدی اے۔

## روزانہ دے فرض

میری بیکرا ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی  
سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے،  
تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس  
وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے  
معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط

طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔